

隨

園

詩

話

隨園詩話補遺卷八

倉山居士著

鰲滄來刺史從太倉寄近作見示菜花云繞村種菜春
環屋鋪地黃金人住家若論生材求濟世萬花都合讓
斯花偶成云薄宦頻年鬢欲斑平生心在水雲間天憐
衰吏無他樂許看東南一帶山想見襟懷不愧名臣之
後

雍正癸丑余年十八受知于吾鄉總督程公

元章

送入

萬松書院肄業其時掌教者爲楊文叔先生諱

繩武

癸

巳翰林豐才博學蒙有國士之知後掌教鍾山而余適

宰江寧時時過從先生歸道山後音問遂絕今五十年
矣甲寅春其孫儀吉孝廉以詩一冊見示讀之細膩工
整不愧家風嘆德門之有後諸葛墓云沔水東流繞定
軍秋風迤拜臥龍墳大星磊落淪荒上八陣縱橫隔暮
雲其說公才真十倍可憐天意竟三分憑高欲下沾襟
泪籌筆樓高日又曛旅思云十度月圓猶作客一年秋
到倍思家弔劉司戶云官寺豈容操國柄文章原不重
科名落第出都云葵藿但知傾曉日芙蓉何敢怨秋風
孝廉名一瀉

江寧李

大紳

號榕莊護蘭詩云似離故上非其性才到

人家便作難移置幾番遭僕志愛憐真當養兒看二聯殊有風趣

廣西羅城縣

國初爲烟瘴之地于清端公自記年譜

予間去僕從死亡殆盡余族弟秋江

清署羅城尉賦詩

云簇簇奇峯列畫屏萬山遙讀一城青地因太險田無

稅迹可留仙石有靈北嶺曉鐘催曙色西江秋月冷烟

汀參軍未處邊陲慣蠻語還須仔細聽屋後青山舞鳳

凰簷前奇石學鴛鴦挈瓶沽酒同墟寺吹角引牛歸牧

場抱社兩株榕樹古沿城一帶棗花香誅茅蓋起三層

屋珍重行人指法堂

吳江徐君星標善奕秋之技予既爲銘墓其子山民遠

源

媳吳珊瑚 瓊仙

俱工詩山民春曉云廿四番花算不

清黃鶯杜宇總春聲傷心只有芭蕉葉愁雨愁風過一
生珊瑚咏螢火云月黑誰攜星一點風高吹上閣三層
蒲葵撲墮知何處咲問檀郎見未曾夜坐聞笛云粧樓
風影夜蕭蕭檢點牙籤倦欲拋何處一聲長笛起隔簾
吹月上花梢

真州鄭鴻字秋影張南垞之侍史也能詩偶以醉失歡
遠走京師竟致客死年僅二十員帆山抄其遺詩囑張
石民追寫小像詩云閉門却到夕陽斜自咲茅簷小小

車偏是西風最多事書聲偷送到鄰家石民寫像鼻題
云青年誰與頰添毫惜尔生前未我遭老去見花都懶
畫多情還寫鄭櫻桃

杭州沈清任觀察余門下門生也中年殂謝余求其詩
不得僅錄其沁園春一闕云天放愁僧行脚打包還歸
故鄉咲六十年來雷光倏忽三生石上夢影荒唐小住
爲佳長行不得從此舟車不用忙生花眼借一編在手
字字行行吾家老屋頽墻只糊壁人兒費忖量看鄂渚
書來歸舟待泊錦官收散花事終塲鶴髮朝梳金經夜
課隨分生涯自主張閒中趣寫梅花數點也送清狂

甲子年余過宏濟寺見西林相公題壁詩已錄登詩話
甲寅阻風又至寺中默然七代孫某抄鄂公父子詩來
皆五六十年前事余爲之愴然再錄相公一絕云山扉
石徑上人家小住清涼引妙車欲挽江聲迴樹杪可憐
那岸是繁華其時公子容安隨行年尚幼後總督兩江
重遊此寺讀先人之作題贈默然云少小經行處江山
感舊因君能重會面我是再來人問法心無住趨庭跡
已陳然燈覽題句忍泪對青春

金陵水月菴有僧鏡澄頗能詩閉戶焚修名場竟不知
有此人殊可敬也惜桐云獨樹作僧伴摧枯傷我情從

今茅屋下無處聽秋聲落葉云落葉寒生徑冬蔬秀滿
畦要將茅舍補試看稻堆齊窗破宜糊紙墻穿合補泥
春風待來歲也有燕雙棲

蘇州胡眉峯

景

見贈云青山供養忘機客紅粉消磨用

世才泰州孫虎山

廷履

云名到驚人何況早生當並世

不嫌遲松江劉春橋

照

云看花與致憐才性此是先生

未了緣上海李林松

仲熙

云真才子必得其壽謫仙人

未免有情淮上程諤人

元吉

云風流何減白居易天下

不名元魯山又有脣不離花世界無愁常喜竹平安肯

可誦也

女弟子席佩蘭詩才清妙余嘗疑是郎君孫子瀟代作
今春到虞山訪之佩蘭有君姑之戚縞衣出見容貌嫵
媚克稱其才以小照屬題余置袖中卽拉其郎君同往
溪竹橋太史家小飲日未暮而見贈三律來讀之細膩
風光方知徐淑之果勝秦嘉也其詩云慕公名字讀公
詩海內人人望見遲青眼獨來幽閣裏縞衣無奈澣粧
時蓬門昨夜文星照嘉客先期喜鵲知願買杭州絲五
色絲絲親自繡袁絲深閨柔翰學塗鴉重荷先生借齒
牙漫擬劉公知道蘊直推徐淑勝秦嘉解國敢設青樓
障執轡遙懸絳帳紗聲價自經椽筆定掃眉筆上也生

花南極文昌應一身幸瞻藜杖拜星辰一編早定千秋業片語能生四海春詩格要煩裁偽體畫圖敢自秘丰神問公參透拈花旨可是空王座下人佩蘭小照幽艷余老矣不敢落筆帶至杭州屬王玉如夫人爲之布景孫雲鳳雲鶴兩女士題詩詞余跋數言以志一時三絕云

余三月間到狄小同家柔之夫人挈女兒出見年才十四而詩筆清雅字亦工秀贈樓氏姊云巧髻梳成歛翠蛾芳姿自惜性偏和婀娜不效楊家舞婉轉猶能薛氏歌瓊樹朝朝臨日見蓮花步步踏春過誰家種玉人僮

倖得伴新鶯附萬蘿

余飲孫雲鳳家飯米粗糲而價甚昂知爲家奴所給歸
寓適有送白粲者以二斛貽之雲鳳不受札云來意已
悉蓋疑老人以米傲之也余殊覺掃興卽題其札尾云
一囊脫粟遠相貽此意分明粟也知底事堅辭違長者
閨中竟有女原思雲鳳悔之寄賀新涼一詞以自訟云
傍晚書來速道原思抗違夫子公然辭粟已負先生周
急意敢又書中相讀况贖禮未修一束我是門牆迂弟
子覺囊中所賜非常祿不敢受勞程復寸箋自悔忽
忽肅或其間措辭下筆思之未熟本借湖山供笑傲何

翻多怒觸披讀處難勝踏取無賴是
毫端今以前
仍付毫端贖容與否望批覆

嘗讀劉長卿重過曲江詩云何事最傷心少年曾得意
蓋唐時進士登科多同遊曲江之故余甲辰到廣西蒙
撫軍吳樹堂先生飲余于八桂堂是五十年前金震方
甲丞拜表薦余處追憶少時思知爲之懷絕一坐竟不
忍起口號一律云森森八桂翠參天此處曾經謁大賢
知己平生人第一白頭重到路三千薦章海內猶存稿
在事風中已化烟夢自難尋腸自轉幾回欲起又留連
當年留別中丞七排十二韻僅記一聯云萬里闕前

修薦表百官座上歎文章

余過馬嵬前後題詩八首自謂發揮盡矣近見祝芷塘
給諫題云元之政事廣平參誰蠱君心逸欲耽若使開
元初載入也同鐘鼓樂周南不作河東姝女津九原粉
黛有餘春美人自恨西方少身死猶教美別人第一首
猶是拙集但使姚崇還作相君王妃子共長生之意第
二首專指土人取冢土敷面可去癩痕之說可謂斬新

日月

虞山邵松阿先生爲其孫婦作傳云婦姓趙名同暉字
洵嫻幼時學諸姑禮佛及讀論語攻乎異端喑曰吾初

以爲西方聖人今乃知鑄一大錯也其敏悟如此愛作詩案置王禮堂趙雲松及隨園三人詩謂松阿曰見以爲西莊學富雲松識高至隨園先生則各體兼該學識雙到矣余聞之甚慚因記芷塘給諫見贈云我讀君詩如讀史能兼才學識三長與其言相合然祝公是老作家而洵嫻一弱女子竟聆音識曲尤難得哉年二十餘以媿難亾咏七夕云拜罷雙星後穿針上畫樓一鈎今夜月萬古此時秋玉露閒階濕金風小院幽更深人未臥何處笛聲愁咏鏡云照人空見影是我總非眞菊花云經霜秋正老帶月夜初長

崑山徐嬾雲

雲路

秀才買書無錢而書貴頻至乃自嘲

云生成書癖更成貧買客徒勞過我頻聊借讀時伴問
值知非售處已回身乞兒眼裏來鴟災病叟床前對美
人始歎百城難坐擁從今先要拜錢神余幼時有家貧
夢買書之句蓋實事也今見徐生此詩觸起貧時心事
爲之慨然徐又有句云風威兩岸荻雪意一夫雲

祝芷塘咏藥云嘗遍苦甘千百味活人常少殺人多趙
雲松憎蚊云一蚊便攬人終夕宵小由來不在多程荆
南席上云名士庖廚宮氣少山人冠履古風多吳蘭雪
見贈云二朝白髮題襟遍一代紅妝立雪多因用多字

俱妙余春日園中亦有句云晴日不愁遊女少美人終
竟大家多

真山趙氏多才有名同鈺字子梁者疑是汧嬾女士之
兄詩善言情題若冰妹小照云憶得深閨未嫁年阿兄
把卷妹隨肩小紅剛報醮醮放草草梳妝到最先山塘
云春風油壁過山塘雙眼迷離詫艷妝我亦多情祝飛
絮要他吹上繡衣裳采菱云草草盤頭便出湖水雲深
處笑相呼儂家不是貪多得風信明朝知有無消夏云
掃眉深淺費工夫雲髻高低索婢扶插過珠蘭餘幾朵
不知還夠餉人無又對鏡起句云憔悴竟如此非君我

莫知可稱超絕惜下半首稍平故不錄其室人屈婉仙亦能詩七夕云花自輕盈露自淒碧闌干外玉繩低不知何處凡鳥鵲僥倖雲霄一夜棲

纖纖亾後竹土過婦家有感云愁聽花鈴語繡幃封題如故笑言違傷心小女無知識繞膝詢姑何日歸新秋已報海棠開可奈塵生舊鏡臺莫恠見花拚一慟去年曾折一枝來旅牕蟲語警秋心小病奄奄奈夜深記汝當年珍惜意露涼不敢立花陰題纖纖小照云繡幃茶烟碧散絲分明桐院比肩時千呼不下卿何忍一一如生我尙疑絮語曲欄邀月証尋詩深夜怯花知可憐病

後伶俜甚莫性珊珊玉步遲又句云仙原暫謫留難住
事太傷心淚轉無

吳江閨秀汪宜秋春夜詩云坐愁換過燭三條纔向妝
臺卸翠翹只恐眠遲難早起明朝記得是花朝掃墓云
略慰九原思子意今勤弱息挈孫來病軀只恐難重到
家事徒頭訴一回夜坐云貪涼自啟綠窗紗風細爐煙
縷縷斜急把殘燈遮護好方纔結得一雙花病起云手
戰愈增書格弱目昏翻厭紙窗明不知春是何時去綠
滿簾櫺夏景成題玉面女士小照云空堦策策墮梧桐
怨笛情枯斷續風只恐嫦娥也愁絕良宵深閉廣寒宮

宜秋家赤貧夫外出五年撐拄家務撫養五兒俱以針
黹供給而有才如此

趙子梁咏白牡丹云斷無富貴能安素莫笑花枝愛着
緋陳秋史變白雁云平沙夜月空留影遠水蘆花何處

難

老友徐靈胎打曲嘲時文及題墓詩余已載詩話中甲

寅八月其子榆村熾送其兒秋試又度曲贈我云千山

萬水裝點了吳越規模大地又躊躇須生个奇才異質
風雅超殊放在中間空前絕後著出些三教同參萬古
書更不讓他才華埋沒又把月中丹桂天街紅杏闋苑

瓊林一一都教攀住略展經綸便使那萬戶黎民爭稱
慈父纔許他脫却朝衫芒鞋竹杖歷盡了層巒疊嶂游
遍了四海五湖方曉得花月神仙詩文宗主贏得隨園
才子處處家家個個呼端的是菩薩重來現身說法度
盡凡夫咱也乞灑楊枝一滴洗淨塵心跳出迷途

余雅不喜元遺山論詩引退之山石句笑秦淮海芍藥
薔薇一聯爲女郎詩是何異引周公之穆穆文王而斥
后妃之采采卷耳也前于詩話中已深非之近見毛西
河與友札云曾遊泰山見奇峯怪嶠拔地倚天然山澗
中杜鵑紅艷春蘭幽香未嘗無倡條冶葉動人春思此

泰山之所以爲大也大家之詩何以異此其言有與吾
意相合者故錄之

採詩如散張也寧濫毋遺然其詩未刻稿者寧失之濫
已刻稿者不妨于遺

上海明經王梅嶼坤培掩雅能文秋試屢薦不售賦詩

云蓬鬢依然絕世姿敢將新樣畫蛾眉鴛鴦欲繡偏難
繡腸斷殢針欲刺時較之唐人苦恨年年壓金綫爲他
人作嫁衣裳更覺深婉

乾隆乙卯春子游吳下海上書生王仲堅銜寄落花十

大株爲壽素詩云不羨安期棗似瓜不須丹鼎煉黃芽

稱觴何物堪同獻，洛下飛來第一花。數叢淺碧間深紅，
韶重香多博日烘。自笑傾心同小草，也隨桃李領春風。
譽名稱私淑，弟子仲堅于余素未謀。面而傾倒若此，且
華女史朱秀甫 文疏 其室人也。亦工吟咏，前已采其撫
孤甥詩，茲復錄其春暮云：春去分明有淚痕，絲絲微雨
洒黃昏。殘紅落地無人管，蝴蝶飛來也斷魂。瓶中海棠
去酒後，輕紅暈玉肌。百花誰及海棠姿，綠窗靜，嫌無
伴。搗取名花當侍兒。

平江卜蕙堦

日亭

閒居詩云：脩嶺松竹絕塵喧，小築青

山郭外村，無數落花浮水面，盡隨鷗鳥到柴門。偶成云

一窩青箬買茶回忙煮清泉試幾盃推戶恐驚啼鳥去
捲簾喜見落花來隣翁只護穿籬笋稚子爭偷挑檻梅
詩債爲愁多負却海棠開到牡丹開二詩不減放翁

如臯志淳熙中東孝里莊園有紫牡丹一本無種而生
有觀察見欲移分一株掘土尺許見一石題曰此花
島飛來種只許人間老眼看遂不敢移自後鄉老誕日
值花開時必宴于其下有李高者三月八日生自八十
看花至一百九歲

鄭魚門

志編

先生督學江南清廉愛士所識拔皆一時

名流沈文憲公亦出門下偶到金陵遊莫愁湖有句云

我來湖上愁難了不信當年有莫愁已而落職行至西湖別諸門生云此後相逢明月夜定知相憶在西湖七
何竟歸道山停柩湖上人皆以爲詩讖

王元章西湖詩云湖邊欲買三間屋問遍人家不要詩
近有以詩千人而索值者余戲書此以示之

有漢西門袁某賣麪筋爲業咏雪和東坡云怪底六花
難繡出美人何處著針尖又杭州縫人鄭某有句云竹
楊生香新稻草布衣不暖舊綿花二人皆賤工也而詩
頗有生趣

禮親王世子檀博主人年少多才客春托桐城吳種芝

太史索和紅豆詩余尙未荅今春又托尤水村以詩索
序讀之美不勝收姑錄其火盆十二韻云鎔鑄因良冶
圓圓制作巖候移暄冷易匠巧實華兼熾炭鎔拳石飛
灰散白鹽獸環分四角銅耳露雙尖箸撥金壺小箝挑
玉腕纖非鎔茶可沸象鼎器無嫌刺繡依秋閣裁衣傍
錦嚙暮霜凝北戶疏雪灑南檐密室春先到沉檀蕪更
添冰甃初解凍書案漸生炎微覺披裘煖無煩裹手扣
蕭條人靜後試捲却寒簾以仄韻而能整練若此是何
許才力耶

閨秀王貞儀字德卿宣化太守王

者輔

之女也隨其父

謫戍塞外過潼關云重門嚴柝鑰盤嶺踞咽喉白日子
巖俯黃河一綫流登岱云谷雲蒸萬岫海日浴三宮女
嫁宣城詹枚辰沅道中云霧氣昏崖窟猿聲咽樹間俱
有奇傑之氣不類女流回里余秋農秀才贈詩云修到
磨何定幾生吟紅闥裏有雙聲六朝山色分眉翠九折
黃流沁骨清海微宏篇饒健氣鶯花小製亦多情自慙
同住烏衣巷不識西隣道蘊名

余壬戌外用走辭首相鄂文端公蒙公留飯論當代名
臣公少所許可雖以揚江陰尹望山之賢公意未滿也
余再三問公曰汝此去惟有河督顧用方琦一人耳富

貴不能淫威武不能屈人稱爲鐵牛我許爲鐵漢汝往
見之但告以是我門生渠必異目相視余到清江走謁
覺丰采溫肅果饒道氣諄諄以勿好名爲戒未幾公移
節濟寧遂永訣矣今五十餘年長安趙礪亭先生寄手
卷來乃公在夢中懷余座主畱松齋少宰詩也原唱云
歲晚偏多興寒山畫不成松披雲半嶺人立月三更飄
渺金臺遠潺湲濟水清扁舟風雪夜似聽叩門聲吾師
和云有夢憑誰寄新詩畫裏成信隨秋雁遠魂想御風
輕飲水心常淡觀河笑比清陽春雖強和終讓鳳凰聲
詩成會稽王祺爲作畫余加跋後仍送還礪亭松齋先

生之戚也

詩有通首平正無可指摘而絕不招人愛晉人稱王安
北相對不厭去後人亦不思是也唐霍王元軌有賢名
或問人霍王何長其人曰無長問者愕然乃答曰人必
有所短也而后見所長霍王無所短又何所見其長二
事皆可參悟

新安王太守

廷言

偶過隨園見園丁斫竹補籬因得句

云惜花須記把籬編苦難于對一日獨酌無聊忽得嗜
酒不妨和影醉七字急書以示余余覽之擊節不已因
記范味醇放思云夢醒挑燈抱影眠亦佳皆本于六朝

閒行影自隨五字也

伊公子

維昌

字述之小尹太守公子也年少而詩筆甚

佳今春余過邗江出詩見示霜信云莫道堅冰意尙遲
新寒料峭已霜期橋頭可驗惟人跡鏡裏難期是鬢絲
涼夜豐山鐘暗遞悲風絕塞草荒知楓林染遍如花樣
消息傳來又幾時

大典方介亭

補

藕船主人之弟也過隨園見訪適余

已赴蘇州蒙其題壁云白門繫纜月初生欲訪隨園坐
待明若使當年戀斗米安能此地駐長庚著書久讀知
風格好句遙傳見性情人到蓬山還隔面追公直下瀟

州城

杭州李^堂字允升不事舉業爲人權養店事余到杭州

以詩求見年才弱冠貌亦溫雅託其早秋自事云鏤日
柴扉掩綠陰久拋雙屐罷登臨入秋病鶴惟耽睡經雨
涼蟬欲廢吟揀墨試磨親得研焚香閒撫舊修琴謙師
煮茗通三昧興好頻攜短策尋佳句如雨聲初到樹寒
氣欲侵衣蘋牽花片聚水啣樹根虛凍解空池梅有影
雪鋪幽砌月無痕皆清雅可誦

華公子岑松秋槎明府之子也西湖雜詩云人穿柳絮
如冲雪船傍梨花半入雲花壓玉樓春至早月留金管

夜歸道

松江陳花南都官居理問而下居西湖梅莊置身吏隱
之間有君山尋浮遠亭詩云不識君山路偏尋浮遠亭
江濤迴岸白樹色接城青樵轡來何處禪扉靜不扇娟
娟修竹裏何日讀黃庭

吳門樊紹堂善隸書能畫工篆刻年三十而亡詩稿散
失僅記其別隨園一絕云西向倉山謁我師離覓泚泚
有誰知真空悟徹三千界待索靈根再學詩

康熙己卯史胄斯宮詹公典試浙江子文靖公年十八
讀書京邸宮詹令遲歲觀場不必亟亟文靖公必欲觀

光私求其母彭太夫人彭述官詹之意且笑曰無力措
辦考具文靖公偷拔太夫人金簪去曰辦卷燭足矣太
夫人住其志許之遂領鄉薦次年入翰林官詹公督學
浙西聞捷音因事出意外口占七律寄云垂髻何意著
先鞭且喜書香得再延事業千秋今日始聲名一夕滿
城傳登科豈足榮鄉里稽古還須及少年律已貴嚴人
欲怨昔人明訓有遺編從此食祿六十四年官至相國
家有牙牌云六部尚書八省總督載余換神道碑中
學然後知不足張月樓自戲云自家設謔便便腹開卷
方知未讀書最羨兩隄楊柳樹看他越老越心虛

胡進士

森

字香海掌教真州西江人也而不染西江派

以詩見示真州城東水邊云人事難謝絕我心清且閒
開門送客去傍水看花還溪岸春三月漁家屋半間橋
邊有釣石分坐聽潺湲舟中云新月看欲上水程行未
休雁聲沙際起山色暝中收心遠偶思畫身閒時在舟
忘情羨漁者垂釣坐溪頭俱有王孟遺音

壬寅余遊天台畱別送者琴典史齊公子云七十年華
千里路勸儂還要再來遊自分無再來之事而不料庚
戌春又到天台矣乙酉余年五十題稿二公子詩云者
番一別儂衰矣此後離禁三十年亦自料必無八十之

壽也及至乙卯而又見公子子錫山屈指計之剛三十
年

湖南龍陽女史趙玉哇湖上泛舟云魚鱗江上碧烟開
月影蕭蕭度樹來一片漁歌何處起蘆花深處小船回
丹徒張舸齋之父名堂字季升號南原生有清才三十
歲卒舸齋以遺稿見示錄其晚宿丁角村舍云夕暉將
歛照歸鳥亦依林平野烟光合孤村樹色深倦投茅舍
宿醉拊瓦盆吟一夕安眠好來朝向碧岑青山莊云平
泉草木徒誇麗金谷樓臺已作塵剩有斜陽七層塔天
風時復送鈴聲春日雨霽云新月未生影餘春猶作寒

夜過雲陽云秋聲夾岸荻葦動夜氣入舟余竄涼俱妙
長洲秀才蔣硯畲耕堂少有才名惜不永年而卒臨終

以詩稿三冊付其門人陳竹士中多佳句如欲雪云昨
夜風高振林薄蕭蕭颯颯濤聲作曉來飢雀啄空簷寒
雲一片松梢落郭外晚眺云初晴攜杖去郭外望斜暉
野曠寒山出天清遠樹微晚烟依水聚歸鳥背雲飛寂
寞江村暮人家早掩扉佳句如得陳紅橋楚中書云江
衙吏散鼉鳴鼓山閣燈寒虎叩門亦精

前輩宋軼才司農在京師同作翰林比鄰而居今已僊
去廿餘年矣眷聞小住姑蘇其郎君藹若觀察執子姪

禮來見并以司農紅杏齋詩集屬余作序因錄其濼注
道中云別路離懷慘不舒四郊風物自蕭疏遠山到眼
青無數一片晴光落笳與炊烟如綫路如弓水面吹來
楊柳風舞盡榆錢飛盡絮菜花黃殺野田中

近體詩有前用花字後用葩字者皆名手所無也初學
人不可不知凡他用韻字義之犯重者皆可類推

有人好自贊其詩者人以爲嫌袁陶村云勿怪也彼自
己不贊尙有何人肯贊耶又有人常露官氣者人以爲
嫌陶村云勿怪也彼除官外一身尙有何物耶其言頗

爲故錄之

田酒齋

文肅

宰長洲政聲廉明其父香泉先生名玉以

武職告老就養署中終日跨驢虎邱石湖間賞花玩月

而民間無絲毫瓜李之嫌其清風高節可以想見有附

蓬小草酒齋屬余序而梓之如虎邱燕集云喧喧歌吹

逐時遊雲歛天香正及秋清客舫依沿岸樹美人簾卷

榜山樓但看七里花成市背信三生石點頭自是江南

佳麗地吳儂知樂不知愁渡江卽事云不知帆席轉祇

訝市橋移金山夜月云風定鈴無語江流月有聲海昌

塔廟思歸云長漁跋浪飛寒雨宿鳥驚林墮折枝暮投

寒莊旅店玉邊從寒水孤村外一角青旂認酒家樂安

莊讌集云林塘得兩儵魚戲麥隴連雲布穀飛春興云
紅杏壞長迴蝶絲楊墻短出鞦韆寬盃酌酒愁心醉
大字抄詩笑眼花俱有夷猶自得之趣其晉秩自喜有
云少有大言身許國老無恨宦宦爲家更足以想見其
胸次矣

吳江周秉中尚書

元理

余戊午同年宰清遠時余過其

邑小住三日極爲歎後官直隸總督內遷大司空而
芳訊從茲杳然矣近訪得其孫名壽字即字者年才弱
冠詩筆清嘉得其新粧詩云新粧時樣髻盤鴉六幅裙
拖越女紗戲罷秋千身怯怯倩郎挿好髮邊花深院重

簾日影斜當春桃李闌芳華小姑笑拍肩頭問開否新
栽豈翫花又以美人畫障贈屠秋莊額其納妾云綉約
仙姿並藐姑丹青好手苦爲摹他時打藥迎桃葉如此
人堪作樣無支卽事云好詩喜自無心得小別愁從隔
夜生

錫山吳省曾傳神名手也爲君支端公所推重三十年
前爲余寫隨園雅集圖五人神系如生時挈其兒松厓
名書畫者來見年才舞象別二十餘年相遇上元署中
知已入泮詩才清澹而尤長於詞山行云匹練橫空起
光從樹杪分飛來千尺水散作萬重雲鶴唳當風遠琴

聲隔浦聞此閒堪寄傲
戒酒一尋君

明邵無恙明府梅

花落云月痕初掛鏡眉新又見冰梅落砌勻愁煞江南
春雨後梨花庭院倚闌人
嵇曼叔誦其咏蕉云香階小
步碧苔侵葉葉芭蕉展綠陰看取風前舒復卷不知心
裏又藏心詞如更漏子云嫩寒恹香霧輒分付畫簾休
捲花漠漠柳陰陰夜長閒繡衾憐慘影慵開鏡又是去
年春病睡未足酒初醒黃鸝一兩聲菩薩蠻云無情恍
水催人去多情花瓣隨人住今夜酒初闌教人去住難
明知成遠別心事無憑說欲道不相思淚痕衣上滋皆
有柳屯田風味

余老矣年來多不識面之交今秋山右茹

綸常

容齋陝

西崔

仰舜

悟梅是也復有京江杜童子

克俊

者以詩見

寄云大雅於今孰典型德星兼是老人星編成文字五千卷名著乾坤一草亭北園汀聲流月去南徐山色向人青荷衣此日來趨謁敢望高人啟性靈登月華山云孤磬驚飛鳥微風送落花過擊竹山房云渡口梅花曾有信門前松柏不知冬偕聞抱膝抑菴訪蔡正衫師不遇云忽憶停雲來二妙未邀明月作三人童子年甫十三而詩已清妙如此

近時麗秀之多十倍于古而吳門爲尤盛茲又得松陵

嚴祿華蕊珠女士春日雜咏云簾鎖爐香盡日垂曲闌
低亞坐題詩慈親指點桃花笑憶否當年醜面時如烟
小雨潤苔衣花塢風酣蝶飛最是無情隄畔柳綰將
春至放春歸新秋云涼披薤簾卷簾遲鸚鵡催成白雪
詩怪底憑闌魚忽聚髻花倒影入清池震澤王秋卿蕙
芳病中和麗卿小姑詩云長日懨懨坐小樓未開奩鏡
懶梳頭負他簾外初三月眉樣教人畫一鈎送兄公之
淮上云才唱隣雞月尙明夫君曉起送兄行道遙堂後
風和雨千萬今宵莫作聲八公山下柳珍珍漂母祠邊
駐客驂屈指行程容易到一千里路尙江南病夜云更

殘又轉漏漫漫瘦骨支離未得安夢醒時聞兒學語香
微便覺夜生寒垂頭一穗燈花吐隔帳顏槎倦眼看落
月半鈎清似水今宵孤負好闌干吳江李鳳梧病起探
春云輕寒惻惻雨如麻病裏生涯事事賒起傍闌干探
消息春紅又到牡丹花其他佳句如青知春樹發紅漏
夕陽深點視飛花初著雨當窗高竹預迎秋皆楚楚可
誦鳳梧爲玉洲太史孫女足徵淵源有自也

南齋有才女韓蘭英獻中興頌者吾家姪婦戴蘭英名
與之同而才貌雙絕嫁從子 赴京兆試卒于京師

蘭英年才二十餘儼然婆也教其孤阿恩冀他日有陶

歐兩母之望余爲題其秋燈課子圖蘭英賦長句謝云
翁昔才名噪天下惜墨南金重無價春三閩泛武林舟
急命工師繪圖畫杖朝今旦客續紛欲乞題詞日不暇
辱承收錄付侍史頓釋從前心膽怕一回瞻拜一回幸
五月煩煩三枉駕白門歸棹甫纒旬免毫躍起珊瑚架
寄來展誦琳琅句細楷高年眞奇詫九天雲影忽下垂
千里河源驚直瀉卷中差比無鹽齊林下慚非咏絮謝
九齡稚子課未成一盞秋燈貴難卸蒙公椽筆撰長歌
儼似蓮峯聳太華濫厠弟子十三行我較名姝有憑藉
夫壻君家舊竹林一脈師門非外借倉山山色晚逾青

道遠楓江阻親炙讀盡丹鉛萬卷書弱草也沾時雨化
深閨寂處提唱稀擬託閒吟輒興罷從今暗裏度金針
絡繹抽里晝復夜蛩音豈作許田易鴻藻翻同鄭璧假
敢附齊代韓蘭英終愧君家袁大捨

今人受業于師者不過學干祿之文爲科第起見故科
第旣得而得魚忘筮者往往有之其他勢利之交更無
論矣獨吾門下有兩君子焉一韓廷秀字紹真金陵人
一吳貽詠字種芝桐城人二人者與余相識已久無師
弟稱韓中庚成進士吳入癸丑翰林後都來執贄稱師
其胸襟迥不凡矣余按西漢惟于曼倩官廷尉後才北

面迎師學春秋二賢可謂有古人風聲。題劉霞裳兩粵
遊草云：隨園弟子半天下，提筆人人講性情。讀到君詩
忽驚絕，每逢佳處見先生。經年共領江山趣，一點眞傳
法乳清。努力更成三百首，小倉集定不單行。余道此詩
亦隨園派所云三百首者，因余許其合毛詩之數爲代
刻也。韓爲人溫恭博學，卒廣西馬平縣七日而亡，惜哉。
吳琬館 禮親王家。平日詩稿尙未寄來。

溧陽彭賁園先生因余有詩話之選，寄其友京江許

延

揚介山詩來，因錄其見燕云是向南飛，向北飛。津亭楊
柳易斜暉。此行倘過秦橋岸，只恐春歸我未歸。冬日間

步云一路看山出里門殘冬天氣比春溫隔籬犬吠生

疏客始悟吟詩過別村又九十三歲沈

瑤齡

文壘燕山

寺句云夕陽人散郵亭冷夜月僧歸石徑孤石屋山云
紫電已飛鑪焰熄青山常在霸圖休俱清妙可存也

門下士孫蓮水秀才自山左歸爲余言學使阮莖臺閣
學風雅絕俗愛士憐才渠深感栽培之恩並誦其小滄
浪雅集詩云北渚離塵鞅明湖浸翠微濠梁宜客性山
水願人歸樂趣在兼惠吟情孟與韋孤亭復虛榭徙倚
意無違萊陽試院曉襄云渤海陽和猶未回曉聞昕鼓
發輕雷山嵐入院旆初重潮氣滿城闌未開昨夜清樽

思北海何人博議似東萊此時頗讓江南名官閣春深
落占梅余爲歎遲不已惜乎未窺全豹近復持衡兩浙
吾鄉多士得一宗工當何如抃慶耶

秋帆尚書家一門能詩自太夫人以下閨閣俱工吟咏
余已摘所著梓入詩証中茲又得張恭人絢寶號霞城
著踏青詞云平原芳草乍芊眠巷陌人家例禁烟一陣
風來聞笑語綠楊樓外有秋千又剪秋羅詩云半响無
言倚竹屣繞叢蛺蝶故飛飛秋來也有風如剪裁出香
雲作舞衣尚書長女智珠號蓮汀者踏青詞云綠窗今
日下簾鉤女伴相邀結勝遊一棣春光分吟暖桃花含

笑柳含愁又送春詩云韶元九十大匆匆芳遞香殘蝶
影空一縷游絲無著處也隨飛絮過牆東藻思辛綿皆
不愧大家風範其他佳句甚多因詩話不能多載別刻
人諸女弟子集中但老人未接風裁而遽昭好爲人師
之戒或未免爲掃眉才子所笑耶霞城以子鄂珠貴
詰封赤人曲阜衍聖公 其婿也智珠善寫生花卉
新艷間居與張恭人撰三唐詩鈔數十卷嫁松江陳

通政家

王孔鞠秀才自都中歸有赤香女史馬翠燕者托其帶
寄手札一函詩詞三種不將三十里外閨閣中猶蕩

園一瓣香尤足感也來札云添香家本維揚寄居京國
性耽文史蕙事才人雖三五年華未工染翰而四千鄉
路時切依雲蓋以女子盡識韓康黃金宜鑄買島每恨
不獲換杖捧履列弟子班也郎主小山寧海查聲山之
裔掃眉窗下許捧盤也問字燈前得幾點畫猶恨小倉
山遠大雅堂高執業有心望塵無分謹藉鱣魚之使用
申積歲之忱附以塗鴉敢求點鐵先生樂育爲懷當不
揮諸門墻之外謹呈舊作鵲橋仙七夕詞云銀灣斜挂
金波徐展天上人間今夕黃姑渚畔路迢迢何處問支
機消息 錦屏紅燭玉窗羅被賸喜鵲橋不隔青鸞休

促紫雲車且良夜倍相憐惜

夫婦能詩古今佳話近今如張翊鶯之與鮑荳香尤其傑出者也久載詩話中矣今冬到京口荳香出其母陳夫人逸仙詩方知爲海門居士臯之妻詩才英妙僅具

夢一日無筆硯便索然不樂南歸云一載團圓客帝京

見孫薦酒笑相傾春風紫陌芳塵軟秋月金門步輦輕

綬帶薄沾新雨露自注京中綬帶花極茂郵籤重疊舊歸程朝朝

盼斷南來雁白髮何堪遠別情北河舟中云故國京華

兩路賒人從雲水泊天涯開尋歸夢篷窗底小艇揮來

呼賣花乍晴乍雨杏花天帆箭餘陽柳帶烟正是客心

惆悵處晚風檣尾燕翩翩中秋憶姑云丹鳳城邊轉畫
輪炷香遙祝北堂春故鄉一棧今宵月應對清光憶遠
人夫人抱此才宜其子女俱以詩鳴現在部郎雅堂居
士其長子也

隨園詩話補遺卷九

隨園

班史稱河間獻王云夫惟大雅卓爾不羣蓋盛稱賢王之難得也 本朝文運昌明 天潢之裔皆說禮敦詩前已載瑤華主人檀樽世子詩矣今又接到 豫親王世子思元主人詩文四冊殷殷請益其好學虛懷之意尤可敬也錄其從軍行云拔劍請長纓從軍古北平黃雲迷野戍白雪澹荒城旗捲龍蛇影弓爭霹靂聲燕然勒銘者投筆本書生咏桂云月裏亭亭花發時天香不散任風吹繁條細蕊無心折欲折還須第一枝其他佳

句如觀瀑云氣噴青嶂雨涼瀉碧天秋秋思云啼螿欲
和相思韻兒女偏憐薄命花草能蠲忿人宜佩花到將
殘蝶競扶錄見贈一章入同人集中以志光寵記答謝
瑤華主人七律有二句云宗子久欽龍鳳質仙才多出
帝王家可以移贈

又記瑤華主人賦得寒梅着花未一律云把手問鄉關
來時臘雪開凍枝猶倔強老鏡可彎環數點先胎玉千
重對面山祇應顏色好無那髻毛斑此興誰堪寄何時
夢得聞南樓明月共東閣綺筵攀霜菊根難裝烟蒲綠
早刪憑君勤懇意消息慰孤鵬末自跋云此那東南祭

酒課士題也友人盧藥林請賦之因見諸人賦此題者
不過一首梅花詩而已如隨園詩話中所謂相題行事
者竟無一人因書此以質之倉山居士大道無形惟在
心心相印耳詩豈易言哉

檀樽主人又有遊香界寺詩云暮天微雨歇松子落深
巖石磴千峯逼危橋夕照銜秋聲驚客夢涼意上吟衫
空際妙香發天花自不凡黑蝶云譜翻別派寫滕王蟬
翼輕翅墮馬妝栩栩漆園才入夢果然身到黑甜鄉佳
句如秋柳云夕照村墟殘萬縷東風樓閣憶三眠寄人
云莖臺十月清霜冷江上三春細雨多俱能獨寫性靈

迥非凡響

近日金陵多少年英俊之士年逾弱冠而落筆清妙者

有五人焉一嚴小秋汝俊偶成云無緣飄泊少人知

月園林任所之有節竹能經雪壓無根萍總受風欺好

花易惹遊人夢衰柳難留宿鳥枝獨步蒼苔添逸興月

明樓上聽吟詩又好山當戶青于畫修竹盈窗綠上書

青山含月隱深樹紅葉隨風飛半天一金桐軒事策春

烟云細草如茵捲翠簾林陰深處曼輕烟遠山一角人

難畫新柳千行畫欲眠花氣小窗風定後鶯聲兩岸雨

餘天劇憐薄暮長江外暮靄全迷渡口船古寺迷離望

不真晴烟漠漠罩江村漫山樹色濃無影隔浦嵐光淡
有痕嫩綠池塘風蕩漾晚花庭院月黃昏碧紗牋有露
爐伴繚繞餘香尙滿軒又秋生桐葉怯涼到葛衣知一
莊穆堂元發閨情云錦幕低隨小院門闌千深處月黃
昏醉寒翠袖拈花影笑把銀燈照酒痕好夢醒時雲鬢
亂濃香熏罷繡衾溫更闌玉臂還同看可有蛇醫舊印
存又月堦坐久驚花夢病懶秋深褪粉光裏山雲似絮
遠牧馬如羊一司馬類高閨情云雲情鬢鬢畫樓西
呼婢熏香翠袖低不識檀郎千里外可曾聽見子規啼
訪白秋水不值云秋風吹我到君家秋色猶存野菊花

料得高人行未遠案頭盃有帶烟茶又酒醉一枕上船

過幾渡頭一玉西林

汝窮

再宿鹽園云昔年身宿蕊珠

宮此日重披立雪風山鳥多情如識我巖壇有主合依

公花栽潘令開應早琴對師襄鼓易工一几烏皮書萬

卷分明此景舊時同舟行有見云霧鬢烟鬟水上頭蘭

橈斜倚蓼花洲眼波欲逐川流去眉翠如含風色愁細

雨擬教檣燕寄閒情敢望瑤珠投分飛八字鴈何駛還

想前途一並舟又春寒云人間富貴來多晚天上陽和

轉亦難山翠濕沾帽水風涼上衣獨笑對花語捲簾迎

明月此五人者離隨園不過二三里老人不負住秀才

村故錄之亦以勗其再進也

黃蛟門重到張香岩家云不到華堂廿載餘重來還認
舊樓居墻間半漬兒時墨架上猶存校過書滿院枇杷
陰不改侵墻葦草茂于初木公金母多情甚音問頻頻
說久疎此詩情文雙至家亦近隨園

和余八十自壽詩者多矣余最愛程望川

宗落

押愁字

韻云百事早爲他日計一生常看別人愁和朝字韻云
八千里外常扶杖五十年來不上朝將杖朝二字拆開
一用便成妙諦

吾鄉方伯張松園

朝籍

先生受知于福敬齋公相畢秋

帆制府而氣局恢宏樂繁大才亦與兩賢相似口不談
詩而興到偶作迥不猶人清明後一日和旭亭韻遞隨
園不至云天亦多情惜好春故將春仲閨三句花當極
盛難評色水到長流不染塵偶泛烟波搖畫舫每因詩
酒盼才人婦娥忽掩今宵月鬢影釵光看未真

方伯九姬最愛者春芳葉氏年將四旬而風貌嫣然似
服仙家芻草者以扇索詩余卽席贈云一朵仙雲出畫
堂劉楨平視訝神光牡丹開到三春暮終是羣花隊裏
王八人者皆不悅而夫人讀而喜之適余向方伯借車
夫人以肩輿相借因再續云偶向公孫借棧車竟逢王

母賜花輿坐來似欲乘風去想見天衣重六銖

溧陽王雲谷與余同寓蘇州銅局代主人楊仁山款待
甚殷誦其咏秋月云八月西風夜氣寒桂花香冷露初
溥中庭地白三更後獨鶴與人相對看可謂清絕不食
人間烟火

蘇州陳竹士秀才與余同遊四明一路吟咏甚多見贈
云神仙從古戀烟霞一首詩成萬口誇到處探奇逢地
主避人祝壽走天涯生來不飲偏知酒

先生不飲而老
嚴子評酒

去忘情尚愛花路走二千年八十山遊不遍不歸家咏
蠶云蠶娘辛苦說天晴聽唱羅敷陌上行蓬底綠雲吹

不斷採桑風送剪刀聲湖莊云曉寒臨水重春夢近花
多錢塘江阻風云水能驅岸走風不放潮歸皆妙

己未座主留松齋

諱保

先生於諸門生中待余最厚乾

隆七年

今上有保薦陽城馬周之旨公欲薦余疏已

定矣余以親老家貧苦辭而出今公去世已久幸從趙

礪亭先生處得公事畧爲之立傳又采錄其遊天台國

清寺云風定幡空月滿廊悄然鈴鐸梵音長依依歸鳥

尋巢語淡淡聞花帶露香嶺靜境隨雲共化心空聲與

色俱忘周圍緩步饒幽趣微妙還須叩法王西湖斷橋

殘雪云湖旁積雪景堪描點綴春寒屬斷橋絕似錢塘

蘇小小殘妝剩粉不曾消

今年二月余小住真州京江女弟子駱佩香遲余不至
寄詩云柳外江波綠潑醅高樓延倚首頻回心憐春雨
花朝過目盼先生桂棹來新作羹湯儲夕膳舊眠吟榻
掃塵埃真州底事勾留久不到寒閨舉酒盃

香亭弟家屐八年有終老林泉之意今歲因家事浩繁
治生無策復作出山之雲恐余尼其行也不以相告引
見後方知之離別之際黯黯神傷蓋余年八十弟亦
六十有六矣別後寄詩留別云不忍留行不送行去留
無計其傷情明知衰朽深憐弟怕以窮愁更累兄未歷

風波先破膽欲言離別強吞聲癡心五載仍尋約還想
重來事耦耕嶺嶠分襟昔已傷此行雙髮更蒼涼人當
垂老何堪別花到殘枝那得香誓及來生情可想會期
他日夢偏長殷勤苦囑雙眶淚不許臨歧灑一行

乙卯二月在揚州見廵漕謝香泉先生乃程魚門所拔
士也倜儻不凡遊泰山五古數章直追韓杜以篇長不
能備載僅錄其飛瀑崖云石罅中峰劈飛淥曳練來自
天張水樂平地起風雷題咏此間遍幽篁衆妙該封巒
經七二御帳望中開又跨虹橋南見唐陶山勒石絕句
欣然如見故人時唐宰荆溪詩以寄之云失喜陶山入

望來丹崖赤字獨徘徊吟情正憶鳴琴暇畫溪頭日

幾回陶山名仲景余讀之方知楚南有此詩人方以不

得一見爲恨不料十月間陶山宰吳江忽以書至云愛而不見今秋以重價購余全集方知天涯又得此知己也以詩賜觀掃墓云夢裏書騰色笑微九原長恨隔春暉羊腸細路通樵徑馬鬣新阡隱石圍霧滿藤蘿侵屐濕草枯蛙蟻傍衣飛可憐身上拈殘線遊子而今尚未歸余尤愛其五言十字云雲開如讓月風定爲留花

陶山有二友一何君煥一胡君大觀皆有詩來何春望云池館依稀小謝家每憑朱檻玩春華巢分院語東西

燕雨過枝添向背花田樹短籬皆種芋人歸村塢牛收
茶漁童小結乎罾網溪畔衝風一笠斜偶興云風愛約
萍行別澗花如扶檻睡春陰胡客中云鄉心秋雨集旅
况夜燈知登城樓云江浮鴨綠晴方好山帶螺青雨後
來二人詩皆可入畫

曹星湖

龍樹

江西孝廉宰如臯政尚寬和邑多瑞應乾

隆癸丑春有白鳥集署星湖詩云曙色遙分小院東纔
棗畫戟又簾櫳哺成巢子頭先白銜盡桃花口未紅可
到瑤池曾浴羽還疑雛鶴學迎風生成一種幽閒性
怪丰標太不同
幾邑中麥有一莖二穗至八穗及連

理者又賦詩云四野農歌作美談薦隨春莖養隨鷲擊
生也與人同孕並種渾如玉出藍鏹趁日中陰硝碎翻
喧樹外畝東南何當寫入丹青裏其慶民間 帝澤覃
一時紳士和者千餘首

星湖又有崇川夜舟云西風吹送一帆斜樹杪危蹲幾
箇鴉兩岸沙灘明似晝又添霜月與蘆花遊棲霞云晴
日樹中疑雨至隔江風裏有雲來真乃天機清妙

揚州方立堂孝廉之父親樓居士有言詩一首云情至
不能已氤氳化作詩屈原初放日蔡女未歸時得句鬼
神泣苦吟天地知此中難索解解者卽吾師數言恰有

神悟又與王晴江進士集平山堂云每逢登眺感遺踪
頓覺塵心似酒濃不信但聽亭子上迷人樓打醒人鐘
末首云江左風流聚一壇無名終恐是方干先生困于
巾褐二句殊可傷也又贈朱艸衣云才高雙眼白吟苦
一肩高第二句酷肖詩人窮相

余在觀音門阻風借小秋訪林鐵簫晚與諸詩人小集
六松山莊棲碧僧有句云樹密聚啼鳥蒼荒住懶僧天
上若無難走路世間那个不成仙有情山鳥啼深樹無
事閒僧掃落花董容庵有句云塵尾儘聽前輩語春風
先上酒人顏劉壽軒有句云蓬門久盼高軒過臘癡偏

偕好雨來懷碧僧夢人出對句云月出波微動僧答曰
風生樹漸鳴

京江左蘭城常云凡作詩文者寧可如野馬不可如疲
驢凡爲士大夫者寧可在官場有山林氣不可在山林
有官場氣有味哉其言

崑圃外孫訪臧子吳江之梨里鎮有聞其自隨園來者
一時欣欣相告爭投以詩屬其帶歸采入詩話佳句如
邱筆峯野泛云棹驚歸浦鴨犬吠過橋僧沈雲巢楊花
云夜月不知來去影征衫偏點別離人屠荻莊醒庵分
韻云老衲一龕依古佛斜陽半壁懸詩人汝階玉卽事

云寒憶衣裘春日典貧愁薪米閏年添

處州山水清佳而樸野已甚余壬寅春遊鴈宕山過縉
雲縣見縣官訟堂養猪爲之一笑伊小尹太守到任後
寄詩來云彈丸十邑宰官分四野誰歌挾纈溫山地時
零休論頃人家三五便成村清秋露冷猿啼樹黑夜風
號虎到門利用厚生當務急就中俗吏恐難論又四面
青山秋意早一城紅葉市聲稀皆酷是處州光景

族弟舒亭

知

守大同寄詩冊屬余爲序余家有阿連而

竟不知殊自愧也錄其施竹田丈招同泛湖訪恒上人
云破曉重湖一望收段家橋畔繫扁舟山寒無處不宜

酒木落有時還帶秋烟景落誰佳句裏好風吹我上方
遊慈雲佛火殊清絕始信花宮勝十洲閒吟云倦枕餘
閒午夢長蕭蕭梧葉下虛廊六時且喜得常靜一雨便
成如許涼花鳥心情閒甲子湖山風月好家鄉行程千
里懷人處回首旗亭又夕陽又遊圓通寺云路迴依樹
曲屋小抱山幽又同嚴歷亭江硯香送李寧圃從江寧
移守松江宴隨園聽孫嘯壑彈琴云六朝風景記當時
伯氏樽開酒敢辭珂馬聲嘶芳草渡江雲影入綠波池
喜無俗客開三徑別有清風嚮七絲卽此仙源欣共到
芳亭倚遍夕陽遲其清妙不減樊樹

胄衣鄭德基久選其詩入詩話矣今秋從邳州歸又送
詩來再錄其濠梁題壁云粉壁題詩半有無好花看遍
又非初十年再到重游路似理兒時舊日書呈袁椒園
先生云奔走天涯歲又闌孤飛聊借一枝安琴除自賞
知音少衣代人裁合體難吳江唐陶山明府席上出青
衣吳振邦錢聖達兩人九日同遊石湖登上方山詩吳
云短櫂雙飛漾白蘋平湖秋淡勝於春嶺懸一線雲邊
路客倚殘霞畫裏身石洞黃花留夕照佛樓清磬送游
人重尋舊日題詩處薛壁模糊認不真錢云策杖登山
最上頭一湖帆影去來舟蘆花點白明如雪楓葉爛丹

畫出秋落帽西風傳塔語如鈎新月挂鐘樓招邀共舉
茶萸會携得雙螯酒一甌又有紅蓼灘邊一釣人七字
可繪作小照余謂詩有因貴而傳者有因賤而傳者如
此等詩出於士大夫之手而不出於奴隸則余反不采
錄矣

昔曹子桓以金幣購孔融文章韓昌黎以光芒誇李杜
皆追慕古人非生同時者也四川李太史雨村先生名
嗣元與余路隔七千里素無一面而蒙其抄得隨園詩
愛入骨髓時方督學廣東遂代刻五卷以教多士生前
知已古未有也二十年來余雖風聞其說終不敢信今

秋先生寄信來與所刻隨園詩童山集其最擅場者以
七古爲第一觀錢塘潮云八月十五錢塘潮吳儂拍手
相呼招士女雜坐列城下人聲反比潮聲高江頭日上
潮未起漁子拿舟泊沙嘴笳鼓乍鳴人競看一齊東向
滄溟指忽聞江上聲如雷迢迢一線海門開萬馬奔騰
自天下羣龍蹈跳隨波來潮頭十丈飛霜霰水氣橫空
撲人面天爲破碎城爲搖百萬貔貅初罷戰迨遷不聞
市聲死羣兒夸強弄潮水小舸顛簸似浮萍一時出沒
烟波裏我是人海中一粟觀此目眦身踟踟明朝風靜
渡錢塘猶恐再遇靈胥靈卽此一首可想見先生之才

氣力猛矣又登峨嵋有句云但見雲堆平地上始知身在半天中方知非有才者不能憐才

和希齋大司空爲致齋公相之弟征苗功大 皇上加封伯爵而公位愈尊心愈下寄書黃小松司馬云袁簡齋 聖世奇才久思立雪客中携小倉山集一部朝夕捧誦虔等禱經如親儀範云云又寄隨園扎云我輩當如生龍活虎變化不測宋儒之爲道拘猶士大夫之爲位拘也讀先生之文知先生之爲人以故願爲弟子之心拳拳不釋嗚呼此丙辰五月間公親筆也不料至八月而公竟薨於軍中余感知已恩深傷心一慟除賦詩

吳公外訪求公詩僅得西招雜咏十餘首錄其中秋德
慶道中云山峻肩與纓征人夜未休久忘家萬里驚見
月中秋去歲姜肱被今宵王粲樓喜成充國計含笑解
吳鉤苔瑤圃中丞問客況云遙想歸旌繞亂山山容新
沐簇烟鬢行人雲際鬢眉露恍駕鸞驂拾翠還山雲初
起電光斜山雨吹來風力加一霎小樓雲雨過最高峯
上落梅花西招四時吟云莫訝春來後寒容似轉添小
窗欣日色大漠渺人烟風怒沙能語山危雪弄權畧存
桃李意塞上也爭妍山陽四五月嫩綠傍溪生草長剛
盈寸花稀不識名開窗紈扇廢挾纈紵羅輕樹有濃陰

處都翻弦索聲

藏中婦女無論貴賤多於樹陰連臂踏歌

春夜云銀缸閃閃

漏迢迢風送邊聲助寂寥殘月印窗天似曉寒雞驚夢

酒初消頻年客况春尤甚一片鄉心鬢易凋莫以沐猴譏項氏夜行衣錦笑班超

趙子昂云詩用虛字便不佳余按曹孟德亦有此論不知歌必曼其聲裁韻多舞不長其袖則態少此三百篇中所以多兮字也然唐人恰有詩曰險覓天難問狂搜海亦枯不同文易賦爲著也之乎則又虛字不可多用之明証矣

余曾咏夏姬云國色當年出楚宮自餐荀草泣東風誰

知殺過三夫後竟與巫臣其始終後見宋孫奭孟子伯夷目不視惡色疏引史記云晉殺巫臣而娶夏姬遂刪此詩後考史記並無此語再按鼎公武讀書志言孫奭疏兼取陸善經之說如云子莫執中教人不可執中也此解尤奇而今本無之蓋此疏乃邵武士人僞作見朱

子語錄

漢平勃安劉之功起兵誅諸呂不誅審食其唐五王起兵復唐室不誅諸武而徒誅豎子無能爲之二張宜其留後患也余幼時常作詩曰我爲武王謀興唐欲滅周全家誅產祿遠謫辟陽侯同學徐鑑元笑曰君愛其親

似蓮花耶

陳季常作龜軒東坡詩云人言君畏事欲作龜頭縮非
譏其懼內也坡別季常云家有紅頰兒能唱綠頭鴨是
季常有妾矣又曰開門弄添丁啼笑襍呱泣是季常有
子矣

余出門歸必錄人佳句以壯行色嘉慶初元小住揚州
得許祥齡過篠園云樓當曲處疑無地竹到疎時始見
天孫光甲紅葉云偷來花樣山全改費盡秋心樹不知
汪蘭圃夜坐云半夜月明烏鵲噪一天風急斗星搖程
贊寧金山云不知風浪連天湧祇覺樓臺盡日浮江塔

云曉風斷渡鈴先語落日中流影漸斜鄭奇樹遺興云
花落有人常閉閣風來無客自開門林遠峯登大觀臺
云遙看萬戶炊烟起一个人家一朶雲嚴翰鴻舟行云
船頭水響知風順林際鐘來識寺深顯雲亭大江遇風
云不信山頭還有岸但看人面總無魂亦有七字甚佳
者如汪硯香之開到桃花雨便多張紫珍之雲壓炊烟
勢不高皆佳

石門孝女聞璞以無兄弟故不嫁訓蒙養母有齋嬰兒
之風春暮云桃花落盡柳花飛啼鴉聲中綠又肥愁絕
新來雙燕子簾前相對說春歸

錢唐徐紫珊詩未刻而人死矣有人記其過亡姬草詩云傷心人出武林城隍上松間鳥雀聲地下想來無日月人間愁殺是清明一杯冷酒梨花謝二月春寒細草生老淚無多收拾起赤山橋畔聽彈箏贈謀吉地下葬者云踏遍千山與萬山尋龍不見又空還算來此去無多路只在靈臺方寸間

余在揚州年家子方維璋楊兆品兩郎舅各以詩來皆翩翩少年方踏春詞云一層層燦赤城霞亞字闌干曲曲遮行過長隄忽回首碧桃深處阿誰家虹橋修禊云名園此日小勾留蕩漾春風意未休風雨不來波不起

采蘭人上木蘭舟楊咏美人梳頭云低頭纔理髮鬢
待月臨風獨倚欄偶墮鬢邊花點點隔宵抹麗不曾乾
絲絲委地怕沾塵忙握牙梳半欠身如鑑髮光如玉指
未成雲髻也憐人蘭膏潤後綠油油蛻若游龍繞指柔
分付小鬟合雙鏡要從三面看梳頭

伶人天然官色藝俱佳而天性跳蕩如野馬在御蹀躞
不能自止余贈云何必當筵舞髻斜但呼小字便妍華
萬般物是天然好野卉終勝剪綵花我欲憐卿先自憐
春蠶老去枉纏絲摩挲便了三生願與汝同超色界天
古無別號所稱五柳先生江湖散人者高人逸士偶然

有之非若今之市僧村童皆有別號也作俑自史衛王
家統袴子弟閒居無俚創爲雲麓十洲之號此後好事
者從風而靡前朝黃東發本朝姜西溟兩先生辨之
詳矣近日士大夫凡遇歌場舞席有所題贈必諱姓名
而書別號尤可嗤也伶人陳蘭芳求題小照余書名以
贈云可是當年陳子高風姿絕勝董嬌嬈自將玉貌丹
青寫鏡裏芙蓉色不凋叔子何如銅雀妓古人諧語最
分明老夫自有千秋在不向花前諱姓名

以詩受業隨園者方外緇流青衣紅粉無所不備人嫌
太濫余笑曰子不讀尚書大傳乎東郭子思問子貢曰

夫子之門何其雜也子貢曰醫門多疾大匠之門多曲
木有教無類其斯之謂歟近又有伶人邱四計五亦來
受業王夢樓見贈云佛法門墻真廣大傳經直到鄭櫻
桃布衣黃允修客死秦中臨危囑其家人云必葬我于
隨園之側自題一聯云生執一經爲弟子死營孤冢傍
先生

青浦邵明經西樵理余甲子分房之薦卷也後三十年
過隨園云白首再投前薦主絳帷寧拒老門生余讀而
感焉問其年登八十家有園林在朱家角余甲寅到松
江順道訪之擬師生再作盤桓而西樵歿矣所鐫出遊

山居詩甚多僅記其病足一聯云跬步疑分域同居悵
各天梧巢云高樹送聲疑雨至虛窗弄影怯燈孤

山陰王梅卿女子能詩精音律自伊父被讖歿後燒燒
無依余慮名門之女竟至流落故認爲繼女而敦陳竹
士秀才聘爲繼室合卺後子固叔姬雙雙歸寧梅卿獻
詩情詞悱惻并云俟乾阿嬬百年之後願持三年之服
余感其天良爲之淚下詩曰等閒扶上碧雲端得遂依
依膝下歡風力儘催花絮墮日光能破雪冰寒迴生法
試慈悲大入骨恩深報答難願化銜環雙喜鵲爲翁百
歲報平安梅卿有詩稿百餘首余選其尤佳者交梓人

刊入閩秀集中竹士兩娶才女先織織後梅卿亦奇梅
卿初名雅三

雅三父名謀文字達溪爲交河令獄中寄女詩云尋常
小別已牽愁況我年衰作楚囚勸飲花前何日再謀詩
燈下此生休舟傾宦海真如夢析攬離魂又到秋料得
閨中垂髮女也應北望淚雙流此詩梅卿記之而誦與
余聽者也

兩雄相悅如變風變雅史書罕見余在粵東有少艾袁
師晉見劉霞裳而悅之誓同衾枕忽爲事阻兩人涕泗
進如余賦詩味之不料事隔十載借嚴小秋秀才濟廣

陵遇計五官者風貌儒雅亦慕嚴不已竟得交歡盡意
焉爲嚴郎貧故轉有所贈余書扇贈云討然越國有精
苗生小能吹子晉簫哨啜可觀花欲笑芳蘭竟體筆難
描洛神正挾陳思至嚴助剛爲宛若招自是人天歡喜
事老夫無分也魂消臨別彼此灑淚小秋作離別難詞
云花落鳥啼日暮悲流水西東悔從前意摯情濃問東
君仙境許儂通爲底事玉洞桃花才開三夕偏遇東風
最堪憐任有游絲十丈留不住飛紅 春去也五更鐘
隔雲烟十二巫峯恨春波一色搖綠曲江頭明日挂孤
篷偏逢著杜宇啼時將離花放人去帷空斷腸處

相思紅淚明月二分中

前人弔張江陵相公云恩怨盡時方論定封疆危日見
晉山秋意早一城紅葉市聲稀皆酷是處州光景

隨園詩話補遺卷十

倉山居士著

六朝詩有足法者寫景則咏雨云細落疑含霧斜飛爲
帶風咏月云山明疑有雪岸白不關沙雨住便生熱雲
晴時作峰言情則莫嫌春薄猶有萬重絲若不信儂
來請看霜上迹攤門不安橫無復相關意又回黃轉綠
無定期世事反覆君所知人壽百年能幾何後來新婦
變爲婆

左思之才高於潘岳謝朓之才爽於靈運何也以其超
羣能新故也齊高祖云三日不讀謝朓詩便覺口臭宜

李青蓮之一生低首也

詩家兩題不過寫景言情四字我道景雖好一過目而
已忘情果真時往來於心而不釋孔子所云興觀羣怨
四字惟言情者居其三若寫景則不過可以觀一句而
已因取閒時所錄古人言情佳句如吳某云平生不得
意泉路復何如贈友云乍見還疑夢相悲各問年寄遠
云路長難計日書遠每題年無復生還想遠思未別前
七言如相見或因中夜夢寄來都是隔年書重來未定
知何日欲別殷勤更上樓涼月不知人散盡殷勤還下
畫簾來餞離鞋不臨期淚詩尚能傳別後情三尺焦桐

七條綫子期師曠兩沉沉最怕酒闌天欲曉知君前路
猶何村願將雙淚啼爲兩明日留君不出城垂老相逢
漸難別大家期限各無多若比九原泉路隔只多含淚
一封書

或瘦旅客云半面爲君申一慟不知何處是家鄉無情
之情轉覺深遠

近時孫廷賜送客之楚云落日蒼苔正晚鐘送君聊復
坐從容亦知少駐終成別畢竟權留勝再逢黃葉亭空
聽絡緯白蘋江冷夢芙蓉倘經回鴈峰頭過珍重平安
信一封此詩亦復情深

詩不能作甘言便作辯語荒唐語亦復可愛 國初閩
某有句云殺我安知非賞鑑因人決不是英雄咏漢高
云能通關內風雲氣不諱山東酒色名英雄本不羞貧
賤歌舞何曾損帝王可以謂之辯矣或贈道士云煉成
雲母堪炊飯收得雷公當吏兵或自述云我向大羅看
世界世界不過手掌大當時祇爲上昇忙不及提向瀛
洲賣可以謂之荒唐矣

宋人絕句有補采者如人老簪花不自羞花應羞上老
人頭醉中扶過之巖里十里珠簾半上鉤一百二十四
門生春風初長羽毛成衰翁漸老兒孫小他日知誰舉

有情暮鼓晨鐘自擊撞關門欹枕有殘缸自仄撥盡通
紅火臥聽蕭蕭雪打牕沙軟波清山路微手持筇杖著
深衣白鷗不信忘機久見我猶穿岸柳飛冢上爲亭鬼
莫嗔冢頭人是冢中人憑闌莫問興亡事除却虛空總
是塵天一峰前是我家滿牀書籍舊生涯春城戀酒不
歸去老却碧桃無限花閒把羅衣泣鳳皇先朝曾教舞
衣裳春來却羨庭花落得逐晴風出苑牆

每見今人知集中詩缺某體故晚年必補作此體以補
其數往往喫力而不討好不知唐人五言工不必再工
七言也古體工不必再工近體也是以得情性之真而

成一家之盛試觀李杜韓蘇全集便見大槩

詩有見道之言如梁元帝之不疑行舫往惟看遠樹來
庾肩吾之只認已身往翻疑彼岸移兩意相同俱是悟
境王梵志云昔我未生時冥冥無所知天公忽生我生
我復何爲無衣使我寒無食使我饑還你天公我還我
未生時八句是禪家上乘陳后山云美人梳洗時滿頭
間珠翠豈知兩片雲戴著幾村稅四語是小雅正風
胡書巢太守官罷兩次捐復家資搜括已盡第三次再
捐余寄宋人咏被虜女子詩云到底不知顏色悞馬前
猶自買胭脂胡卒不聽以行未及補官而卒余爲刻其

碧映齋詩集而葬之於金陵瑤坊門外

有童子作討蚊檄云成羣結隊渾家流賊之形鼓翅高吟滿眼時文之鬼蓋憎其師之督責時文故也語雖惡恰有風趣

余曾兩題漂母祠後有所感又作一首云莫說英雄解報恩也須早貴似王孫倘教漂母身先死誰輦千金列九原

吾鄉厲太鴻與澠歸愚同在浙江志館而詩派不合余道厲公七古氣弱非其所長然近體清妙至今爲浙派者誰能及之如身披絮帽寒猶薄才上籃輿趣便生歷

宋文
校梅子多難數過雨楊花貼地飛白日如年娛我老綠
陰似水送春歸入都會試途中除夕云荒村已是裁春
帖茅店還聞索酒錢燭爲留人遲見跋雞防失旦故爭
先皆絕調也

唐人最重五律所以劉長卿有長城之號近口吳門何
豈飽錦專工此體聽鐵師彈琴云抱琴來幾年孤寺夕
陽天往往駭殘課冷冷調古弦未秋先落葉無壑忽鳴
泉自覺疎慵甚求聽輸鶴先通首一氣阿威殊難得也
其他佳句如衣著舊棉重臆糊新紙明呈詩多越坐避
酒或懸欄街與饑詩不是捕詩

田寶發進士咏曉鐘云雨雲魂夢初驚後名利心思未
動前亦妙

揚州陳又羣

定孫

秋閨月云欲眠初卷幔月已到牀前

因怯衾裯冷依然不敢眠又遣興云遠山明向斜陽後

春睡濃於細雨時甘肅吳

承禧

有句云收心強學人端

坐改字頻忘墨削磨又曰却笑山居人嬾甚落花不掃

待風來

乙卯春余在揚州巡漕謝香泉侍御移尊寓所有夢樓
侍講香岩秀才歌者計賦琴門下士劉熙卽席云謝公

清興軼雲霄賓館移尊慰寂寥地足騁懷寧厭小客仍

是主不須招無邊烟景剛三月蓋世才人聚一宵定有

德星占太史千秋高會續紅橋一枝玉樹冠羣芳入座

題襟興倍長從古佳人是男子見東漢書於今問字有歌郎

許郎學詩於隨園酒傾長夜真如海燈照名花別有光細數平

生遊宴處幾回似此最難忘

離隨園數武地名小桃源有東岳道院羽士徐景仙直

頗愛吟咏溪上云野塘深柳夕陽斜斷岸無人噪晚鴉

風滿綠荷香不定蜻蜓飛上水溼花漫興云藥爐丹鼎

伴閑身山似屏遮樹作鄰自得桃源爲地主不成仙也

勝凡人他如鶴聲帶月啼蕭寺樹裏開山對蔣山皆佳

枚少時雖受知於傅文忠公而與福敬齋公相從未侔
面前年蒙其在西藏軍中通書問訊見懷四時情文雙
美今年五月在楚征苗薨逝枚不禁泣下賦二詩哭之
後見外孫陸崑圃代作四章更覺莊重遂加潤色遠寄
京師而自已所撰又不忍割舍故留於詩話中云銅柱
勲名萬口傳騎鯨人去未華顛馬援力疾猶臨陣祖逖
英年早著鞭底事三軍剛洗甲忽教一柱不擎天 聖
恩加到難加處王爵追封到九泉塞外高吟詩四章遠
教驛使寄袁羊未曾識面成知己才得通書便斷腸萬
里魂歸憑馬革 九重親到奠椒漿誰知朝野銜哀外

別有閒鷗泣數行

王荆公行新法自知民怨沸騰乃咏雪云勢大直疑埋地盡功成才見放春回村農不識仁民意只望青天萬里閒祖無擇笑曰待到開時民成溝中瘠矣荆公初召用度支判官不就修起居注不就齋刪吏拜而求之乃逃於廨授知制誥方起故有人見其雪詩而刺之云不知落得幾多雪作盡北風無限聲又咏泉云流到前溪無一語在山作得許多聲余少時讀荆公傳云寡識不知周禮偽好諛忘却仲尼尊

弟香亭詩才清婉而近日從澳門寄詩來殊雄健信乎

江山之助不可少也渡海云萬頃碧琉璃雙瞳忽淨洗

內洋水色碧如翡翠至大洋則黑

數點山浮空四面天垂水騰身登巨

航漸入重洋裏雨細風不生水搖浪自起變態出須臾
奇光閃黃紫濺沫潑頭上埋舟入井底尾低頭倏昂左
仄右復欹人若金內魚身作箕中米惴惴忍顛危頻頻
問遐邇出險試凝眸得岸已在彼拂拭濕衣裾檢點舊
行李回首一長吁已渡海來矣越嶺至深澳云海風大
於天海山橫截浪山裏風輪中人行山頂上風欲拔山
飛山怒與風抗業已路斷絕強就天依傍頭仰方懼壓
踵旋頓迷向細逕曲沿邊側身與石讓心共懸旌搖輿

作紙鳶放崎嶇萬千盤變幻頃刻狀恥爲楊朱泣強學
王尊壯五體及百骸安放難穩當官途竟至此嗒然神
氣喪又憶隨園云十年杖履暢追尋花裏彈棋月下吟
過去何曾嫌日永別來倏已及春深畫非其賞難娛目
詩未經看不放心萬里漫言歸路遠夢魂常到舊山林
余常有句云水常易涸終緣淺山到成名畢竟高偶閱
詞科掌錄載沈歸愚咏北固山云鐵甕日沉殘角起海
門月暗夜潮收渡江云帆轉猶龍衝岸出水聲疑雨挾
舟飛巖遂成曲谷云雕盤大漠寒無影冰裂長河夜有
聲太行山云孕生碧獸形何怪壓住黃河氣不驕二人

四詩皆氣體沉雄畢竟名下無虛

燕以均年雖老而詩極風趣近咏七夕云相看日隔一條河鵲不填橋不敢過作到神仙還怕水算來有巧也無多

人但知滿口公卿者爲俗而不知滿口不趨公卿者爲尤俗必也素其位而行不忮不求無適無莫其斯謂之君子乎唐缺史載中書舍人路羣之高淡給事中盧宏正之富貴雪中相過所服不同所言不同而兩意相忘相好特甚時人兩美之余嘗與亞相莊滋圃赴尹文端公小飲賦七古有句云赤也端章點也狂夫子雖禁莞

尔笑

宋人詩云梧桐直不甘凋謝數葉迎風尚有聲又云曾經玉貌君王寵還擬人看似昔時此四句皆爲失時者言恰有餘味

余少年時最怕早起 國初人有句云從來甘寢處最是欲明天凡種松者初往上長到五六十一年後便不銳上而枝葉平鋪六朝人有句云泉高下溜急松古上枝平每見雀闕必一齊下地李鐵君有句云關禽雙陸地交蔓各升籬游天台夜聞雨自覺敗興不料早起而路已乾可遊查他山有句云夢裏似曾聽雨過曉來仍不

礙山行方知物理人情無有不被古人說過者

代人悼亡最難落筆然古人有亡於禮者之禮則自有
亡於情者之情吳蘭雪過竹士瘦吟樓哭織織夫入云
片紙吹來已斷腸青青潘髻乍成霜今生文字因緣重
此去人天離別長三鳥舊游雲慘綠一樓殘夢月昏黃
羅衣單薄仙風冷鶴背先愁怯晚涼書奩藥裏亂成堆
日日題箋傍鏡臺一代紅粧歸閨氣九閨綵筆杖仙才
生前手草教親定病裏心花更怒開聞說前宵猶強坐
挑燈爲和一詩來文采誰傳絳幔經寄生小鳳乍梳翎

夫人纔沈散花女
史女風珍爲女

牀前詩卷拋猶滿畫裏眉峯慘不青

蝴蝶鷓來秋影瘦水仙夢到夜涼醒旁人只賞流傳句
不管酸心不要聽

金陵燕子磯有永濟寺往來士大夫往往阻風沙泊輒

有題句 國朝相國張文端英鄂文端爾秦爾墨蹟淋漓

尚存僧舍老僧默默曾刻一集竟被火焚余二十七歲

遊此寺今八十一矣今春又爲風阻遣家人抄存尹少

宰會一云芙蓉幾朵領花宮鐘磬聲高遞遠風一嶺白

雲歸老納半潭秋水住漁翁香林鳥語天機活古塔龍

吟地勢雄爲問攢眉陶處士可能大醉與禪通收纜停

舟燕子磯穿雲拾級叩僧扉遠公卓錫閒隨鶴惠海蓬

頭自補衣欲向三乘窺妙相卻因一語悟真機此間早

識黃梅孰何必風旛問是非張宗伯廷璣云一徑秋陰

闕蘚苔翠蘿深處寺門開懸巖石色窗中出繞閣江聲

樹杪來賸有禪房容徒倚尚留先澤重徘徊流光五十

餘年事又到蒲公舊講臺康熙壬戌先公有李炯云偶贈蒲公和尚詩

因江水阻散步過林巔霧隱三台洞雲生一綫天倚松

驚戲鼠坐石盥流泉惟愛鍾山色朝朝作紫烟又山開

榆力健橋仄柳身支亦佳

金織織女子詩才既佳而神解尤超或問曰當今詩人

推兩大家袁蔣並稱何以袁詩遠至海外近至閩門俱

喜讀之而能讀蔣詩者寥寥繼繼曰樂有八音金石絲竹匏土革木皆正聲也然人多愛聽金石絲竹而不甚喜聽匏土革木子試操此意以讀兩家之詩則任沈之是非卽邢魏之優劣矣人以爲知言繼繼又語其郎君竹士云聖人曰詩三百一言以蔽之曰思無邪余讀袁公詩取左傳三字以蔽之曰必以情古人云情長壽亦長其信然耶

禮親王世子汲修主人能詩念舊近致書王夢樓太史以故人賈虞龍孝廉詩屬其轉寄隨園列入詩話因夢樓與賈君本係舊交故也其詩尤工七古篇長不能備

錄錄其夢橫齋中夜話云黃葉愁風雨青衫感歲華年
來貧到骨久住卽成家奇數真三點吟情尚八又多君
直笠意深夜笑言譁別內云莫訝頻斟金叵羅匆匆馬
首欲如何已遲婚嫁歡情少爲歷飢寒絮語多聊向左
家供杖屨休疑王粲滯關河他時譜就房中曲留得金
徽好和歌又句云夜月故人千里夢他鄉詩思一天秋
方大章秀才詩初學明七子後受業門下幡然改轍專
主性靈可謂一變至道近命其門人王鼎來謁詩頗清
新過陳山人崖居云爲有儂佟癖誅茅古洞根山泉飛
過屋崖石巧爲門籠冷青苔長雲屯白晝昏我來相揖

罷睇髮淡忘言過野寺云片片閒雲傍水隈方知香界
少塵埃路於紅樹叢中出門向青山缺處開老衲偶然
行藟去游人都爲聽泉來偶留鴻爪題新句一掃空廊
壁上苔又句云詩思因春長歸心在臘先行盡深山方
見寺參完古佛未逢僧俱佳

余過同里與從子湘湄笛生談詩其二子皆髻也倚膝
而聽若領解者余問能詩否其長者陶姓呈其咏秋海
棠云初過涼雨拓窗紗綠葉淒淒映晚霞秋夜月明如
水好上堦先照海棠花其弟陶容舟行云遠望青山似
白雲忽聞岸上有人聲夜深那有人來到却見扳罾一

盞燈

阮芸臺學士提學浙中嘗製團扇一柄自寫折枝於上命多士咏之錢塘諸生陳文杰賦團扇詞一篇末句云歌得合歡詞一曲想教留贈合歡人學士大加稱賞批其旁云不知誰是合歡人卽以團扇贈之

余過吳江梨里愛其風俗醇美家無司閹以路無乞丐也夜戶不閉以隣無盜賊也行者不乘車不著屐以左右皆長廊也士大夫互結婚姻絲蘿不斷家製小舟蕩搖自便有古桃源風詩人徐山民邀余住其家三日率其妻吳珊珊女士雙拜爲師二人詩天機清妙已分刻

同人集及女弟子集中矣又見山民壽內書云心隨書
至何嫌十里之遙船載人歸當在一更以後想見其唱
隨風致有劉綱夫婦之思隨放棹吳江訪唐崑山明府
同行者陳秋史徐嬾雲陳竹士姪笛生行至八坼大風
阻舟四人聯句云荒荒月色逼人寒頭壓低篷擁被看
一夜北風吹作雪天教於此臥袁安如吼風聲浪欲奔
篷窗人語聽昏昏東船西舫相依住一夜真成水上村
笛生調山民云粧樓上有女門生應怨先生太不情已
過一更程十里奪人夫婦一齊行嬾雲調竹士云留人
今夕且團團明日分飛鴈影單君欲尋梅問消息我能

替竹報平安時懶雲先欲辭歸竹士托寄內子梅卿書
故有此詩時嘉慶丙辰十一月十三日

吳江多閨秀徐秀芳彩霞山民堂姊也俱歸李氏以姊
妹爲妯娌唱酬無虛日惜皆早卒山民僅記秀芳重九
云滿簾秋色正重陽懶去登高倚繡牀舊日愁懷盡拋
却近時詩思已全荒庭梧葉落寒初動籬菊花開晚更
香一卷殘書聊自遣消閒此外別無方彩霞讀秀芳姊
遺稿云一卷叢殘稿蹉跎錄未成開緘雙落淚看殺不
分明又陳素芳春雨次韻云到地初融絮點殘灑空兼
潤鵲聲乾暗添芳草迷香徑盡洗新花出藥闌簾閣夜

吟窮百箭池塘幽夢失三竿遙山斷浦皆生色未怕春

衫有薄寒新綠云烟景乍驚梅實七風情多學柳眠三

素芳

即吳江茂才李會思之聘室未嫁而卒

又潘掌珍字湘蘋寒食對雪

云今年寒食雪連綿偏遇佳辰三月天應是司霜憐好

景故將美玉種春田難分飛絮盈階白祇覺殘花點地

鮮却笑城南游玩客春衫空典買舟錢吳豐兒云苦雨

淒風暑氣微忍寒扶病啟窗扉偶然想到亡兒話掩淚

回身換袷衣

兒病中常囑母當保重

又有朱文虎字荔生者慣作無題詩閨情云萬字闌干

白石街自挑花虱拔金釵新晴微覺莓苔滑獨自闌房

換繡鞋好風連夜小桃開雌蝶雄蜂次第來採得盆中
紅豆子嬌憨捉臂要人猜又有句云蘆隨小港綠三里
雲漏斜陽紅半天

又有朱爾澄字春池者冬夜客舍云客舍燈殘淡月斜
夜深岑寂感年華故園手植梅千樹每到花開不在家
過孫明府潢寓齋云携屐盤盤松逕回疎鐘遠渡寺門
開茶烟透處碁聲落傲吏閒時冷客來山擁翠鬟羅卷
軸湖汙明鏡倒樓臺眼前便覺紅塵隔竹下談詩坐石
苔

詩往往有隃士賤工脫口而出者如成容若青衣某有

詩云一杯一杯又一杯主人醉倒玉山頽主人大醉捲
簾起招入青山把客陪又蘆墟縫人吳鯉有詩云小雨
陰陰點石苔見花零落意徘徊徘徊且自掃花去花掃
不完雨又來

無錫楊某妻薛氏有色嘗以詩荅夫之從弟夫疑之訟
於府太守巴公挾其詩不以姦科而許其離異婦有子
尚幼乃托爲子之詞呈府求復合太守許之楊有族某
利其財勿許婦歸轉訟於金匱縣尹邵無恙邵置筆扎
於庭命婦賦詩見志成絕句云人間無路事茫茫欲訴
哀衷已斷腸一曲琵琶千古恨願郎留妾妾歸郎尹大

善追償器用許其復合而令族弟他徒以絕後悔判云
因母子而夫婦重諾不過體太守全倫之意遠兄弟而
男女有別亦以絕小人漁色之心有周生者詠其事云
忍使文君怨白頭靡蕪許爲故天留使君身是圓通佛
消盡人間棄婦愁葛洪何處返仙鳧會爲憐才護薛姝
從此雙魚仍比目啣珠應傍賀家湖

滿洲王公耐溪

敬

作江寧固山府好賢禮士金陵詩人

蔡芷衫曹淡泉余秋農諸人俱從之遊詩才清妙雅有
唐音今春袖其稿來秦淮泛舟云青鬢雅小髮垂髻戲
倚雕欄學語嬌最是繫人幽興處絳紗窗裏紫烟颺

詩會諸友云錦繡篇成妙本神西園清夜絕微塵歸遲
莫慮無燈月自有文光照見人

吳江嚴蕊珠女子年才十八而聰明絕世典環替爲東
修受業門下余間曾讀倉山詩否曰不讀不來受業也
他人詩或有句無篇或有篇無句惟先生能兼之尤愛
先生駢體文字因朗背于忠肅廟碑千餘言余問此中
典故頗多汝能知所出處乎曰能知十之四五隨卽引
據某書某史歷歷如指掌且曰人但知先生之四六用
典而不知先生之詩用典乎先生之詩專主性靈用典
化成語驅使百家人習而不察譬如鹽在水中食者但

知鹽味不見有鹽也然非讀破萬卷且細心者不能指其出處因又歷指數聯爲証余爲駭然因思虞仲翔云得一知已死可無恨余女弟子雖二十餘人而如蕊珠之博雅金纖纖之傾解席佩蘭之推尊 本朝第一皆閨中之三大知已也

蕊珠扶其母夫人出見年六十二歲矣白髮飄蕭呼余爲伯父余愕然夫人曰伯父抱我懷中賜果而忘記乎詢之乃李玉洲先生之女孫余嘗住其家故也記抱時夫人才四歲耳方知人果壽長便有呼彭祖爲小兒之意滿座爲之駭然

余二十七歲權知溧水離任時吏民泣送有以萬民衣披我身者金字輝煌皆合郡人姓名也車中感成一律云任延才學種甘棠不料民情如許長一路壺漿擊父老萬家兒女繡衣裳早知花縣此間樂何必玉堂天上望更喜雙親同出境白頭含笑說見強此詩全集忘載故載之補遺及詩話中

聖祖不飲酒最惡喫烟 南巡駐蹕德州傳 旨戒烟

蔣陳錫往水蒸記云碧碗水漿激灑開肆筵先已戒淫杯瑤池宴能雲屏蔽不許人間烟火來

嘲嗜烟者董竹枝云不惜千金買妓童口含烟奉主人

翁着他呼吸關情甚步步相隨雲霧中又嘲女子喫烟
者云寶奩數得買花錢象管雕鏤估十千近日高唐增
妾夢爲雲爲雨復爲烟

德清蔡石公先生會試有妓愛而狎之蔡賦羅江怨詞
以謝云功名念風月情兩般事日營營幾番攪擾心難
定待要倚翠偎紅捨不得黃卷青燈玉堂金馬人欽敬
欲待要耐鳳攀龍捨不得玉貌花容芙蓉帳裏恩情重
怎能兩事兼成遂功名又遂恩情三杯御酒嫦娥共後
竟中康熙九年狀元其詞正而不腐故錄之

古無自刻文集者惟五代和凝以其文鏤板行世人多

譏之至今庸夫淺士多有集行世殊爲可嗤然素無一
面而爲之代刻其詩文以行世者古未有也近日滿洲
趙礪亭佩德侍御絕無交往而爲我鑄自壽詩十四首
自以隸楷二體書之備極精工與李嗣元太史同有嗜
痂之癖二人者吾沒齒不能忘也至于書之改卷爲頁
則始于唐見萬物原始不可不知

周青原侍郎未第時夢爲九天元女召去命題公主小
像周有警句云冰雪消無質星辰繫滿頭元女愛其奇
麗爲周治心疾而醒

咏鶴云高鳴常向月善舞不迎人 世祖

賞其有身分卽遷學士

余摘近人五言可愛之句如費榆村之水清魚可數樹
禿鳥來稀苔新初過雨石古欲生雲岑振祖過丹陽云
鄉心隨落鴈帆影過奔牛可稱巧對

榆村又有句云讀書不知味不如東高閣蠶魚爾何知
終日會糟粕此四句可爲今之崇尚考據者下一神針
余年踰八十偶病河魚之疾醫者連用大黃人人搖手
余斗胆服之公然無恙又病中無事好吟自家詩集嚴
歷亭司馬寄詩相嘲云醫學都憑放胆爲將軍專斷敵
方摧休論功業文章事病也無人學得來自家詩稿自

長吟元氣淋漓病敢侵從此雞林論價值少須十倍紫
團參追算當年求晚日重生今始七齡人不禁惹我疑
心起挑學兒童病不真

豫親王扈 躡灤河佳句已棊入前卷中矣其時浦快
亭孝廉從行得詩十章茲錄其過青石梁云梁亘長虹
起危巖駕六鼇不知牛斗近但覺馬蹄高嵐翠沾衣袂
巖花拂佩刀白雲彈似海南望首頻搔廣仁嶺云飛磴
盤雲上青天豹尾懸五丁開不到雙峽斷何年亭倚高
霞出山圍大漠圓灤陽看咫尺瑞靄落吟邊

嚴小秋丁巳二月十九夜夢訪隋園過小桃源天暗路

滑滿地葛籐非平日所行之路不數武見二碑苔辭斑
然字不可識時半鈞殘月樹叢中隱約有茅屋數間一
燈如豆急趨就之隔窗聞一女郎吟曰默坐不知寒但
覺春衫薄偶起放簾鉤梅梢纖月落又一女郎吟曰瘦
骨禁寒恨漏長勾人腸斷月茫茫傷心怕聽旁人說依
舊春風到海棠方欲就牕窺之忽聞犬吠驚覺此殆女
鬼而能詩者耶

小秋妹婿張卓堂

士淮

弱冠以瘵疾亡彌留時執小秋

手曰子能代理吾詩稿擇數句刻入隨園先生詩話中
吾雖死猶生也余憐其志而哀其命選其卷兩云雨聲

浙瀝響空庭。釀就輕寒。洗盡春。一夜聽來。眠不得。那禁
愁煞。惜花人病中。云病真空。蓄三年艾。夢醒忙。濕一卷
書。夜深還。累妻煎藥。篋懶翻。勞客請醫。小秋哭之云心
高徒隕命。身死不忘名。小秋妹佩秋。清蘭亦能詩。贈小
秋云。梅能傲雪。香能永。楓不經霜。色不紅。哭夫云。身在
衆中。難贅物。心期地下。伴亡人。果不一年。亦以疾亡。